

Ленинэнь Киява

ВЛКСМ-нь Мокшэрзянь обкомонь ды Саранскоень ошонь комитетэнь газетаст!

АПРЕЛЕНЬ

16 чи,

1937 ие

№ 43 (717)

ЛКСМ

7-го ие
ЧИНЬ ПОТІЗЬ

Мокшэрзянь Республикань Конституциясь

Неть читнестэ минь печатынек Мокшэрзянь Конституциянь проектэнзэ. Мокшэрзяне васеньседе толковасысь ды кемекстасысь эсист Конституциянь—Основной Закононть. Весеменень пек парсте чаркодеви, што Мокшэрзянь Конституциясь—те кенярдома ды уцяска. Секс истя певтеме кенярдыть Мокшэрзянь республиканть народтнэ. Мокшэрзянь Конституциянь виезэ ды ине-чизэ аштыть сеньсэ, што сон прок зеркаласо невти минек Республиканть весе изнявксонзо, конатнедобовазь ине Сталинэнь ветямонзо коряс. Конституциянь эрва главась корты аволь седе, мезе минек эрви теэмс, добовамс, но седе, мезе минек уш ули, мезе теезь. Социалистической строесь макссь трудиця мокшэрзяне, ине аволь ансяк политической прават, но материальной богаткак, конат эривить праватнень тонавтомантень.

Мокшэрзянь Конституциясь сермадозь сень кис, штобу истякак паро эрямонть теэмс седеяк вадрыак, седеяк мазыкс ды народонть седеяк уцяскавокс. Буржуазной конституцияне жо сермадозь сень кис, штобу народонть манчезь ванстомс капиталистической строенть, эксплуатациянь, капиталистнень ды лепштымс трудицятнень.

Ютыть пингть ды народтнень сознаниясто юты се шкась, зярдо ломанесь эксплуатировал ломанть, зярдо вишка куцине бездельникт ды паразитт эрясть трудиця масатнень верест потязь. Но зярдо а стувтови се чись, зярдо минек Мокшэрзянь народось кемекстасы эсинзэ оля чинь уцяскав эрямонть Основной Закононзо. Минь арситяно, што Советтнэнь Чрезвычайной Омбоце С'ездэсь, хона кемекстасы Мокшэрзянь Конституциянь Мокшэрзянь народ-

тнэнь туртов карми улеме праздникекс.

Вишка национальностнень коряс, сынст ютксо Мокшэрзянь народось, как, инязоронь правительстванть ульнесь вейке политиказо—лепштыак, тапак, явт ды главное жо—грабак ды грабак. Ды алкукскань, пролетарской революциянь самс мольсь Мокшэрзянь трудицятнень модаст ды ули-парост грабамо, ломаньтнень лангсо жо—нарьгамо.

Овси лиякстомсь тевесь социалистической ине революциядонть мейле, зярдо масторонть прятокс арась робочей классось. Советской республикасонть минек Мокшэрзянь народонть истяжо кода СССР-нь весе народтнэнь пек бойкасто кайсь ды вадрылгадсь эрямост. Вадрылгадсь эрямось ды кайсь минек народонть культурась национальной формань коряс ды социалистической содержаниянь коряс секс, што минек ветясть человечествань ине генийтне Ленин ды Сталин. Касынек ды кемекстынек минь секс, што минек атак лотксе лездасть советской правительствась ды рузонь ине пролетариатось, конатнень лезксест марто минек кармасть улеме ней эсинек Мокшэрзянь республика, косо 12 процентнэстэ 92 процентс кепедесь народонть грамотностезэ ды меельсекс кемексты эсинзэ Конституция.

Пек покш мельсэ вастызь Мокшэрзянь Конституциянь од ломаньтне. Эрвась бажи томкасто тонавтнемс ды содамс эсинзэ Мокшэрзянь Конституциянь. Комсомольской организациятнень ды васняк активистнэнь эрви вейкеяк минутань атак емавткундамс Мокшэрзянь Конституциянь од ломаньтнень ютксо томкасто толковамонть. Толковамонть ютавтомс истя, штобу сон лездаволь од ломаньтнень политической значияст кепедемантень.

ГЕРОИЧЕСКОЙ ЭПОПЕЯ

1934 иень февраль ковстонть эй юткс лепштызель „Челюскинэсь“. Кавто ковт эрясть челюскинецтнэ эй лангсо.


Кокак ансяк пачкодсь кулясь „Челюскинэнь“ емадонзо, советской правительствась, партиясь, сонсь Сталин ялгась примасть весе сень, мезе эрвась челюскинецтнэнь ванстоманть кис. Теезель правительственной комиссия, конань председателекс аравтозель В. В. Куйбышев.

Весе минек масторось, весе мирэсь вансь челюскинецтнэнь ванстомаст коряс роботатнень мельга. Минек героической летчиктнэ ушодсть атак нектнень штурма. Пелеве енксонь атак содань мрачной хребетнэнь велькска, даволонь, ловонь бурянь пачк ливтясть минек родинанть героической цетратне. Эйсь вельтывильть сынст самолётнэ, но сынз изиясть стихиянь ды ливтясть икелев. 1934 иень апрелень 13-це чистэнь

придозель челюскинецтнэнь ванстоманть коряс героической роботась. Молоков, Каманин, Водопьянов летчиктнэ пачтизь Ванкаремев меельсэ кото челюскинецтнэнь. Летчиктнэ-геройтне тонавтызь родинанть приказонзо. Советской летчиктнэ минек масторонть вельтизь ине слаvaso.

Героической челюскинской эпопеясь гайгсь весе мирэнь келес. Весе мирэсь дивась минек геройтнень подвигест лангс. Теезь се, мезес эзьт кеме минек врагтнэ, но кемсь минек масторось.

Героической эпопеянь колмоце годовщинастонть весе минек родинась кучи пси поздравот геройтнень-летчиктнэнь, геройтнень-челюскинецтнэнь. Сынст качества, мужества, выдержкаст, хладнокровияст, решимостест, отвагасть, превест, социализмань теветнень преданностест—те ламонациональной ине родинанть весе народонть качества. 48



СНИМКАСОНТЬ: Мадридэнь оборонань комитетэнь председателесь Миаха генералось Мадридской фронтонь штабонть эсинзэ кабинетсэ.

Фотось (Союзфотонь).

Демченко Н. Н. ялгась—СССР-нь зерновой ды животноводческой совхозтнэнь Народной Комиссар

СССР-нь Центральной Исполнительной Комитетэсь Калманович М. И. ялганть олякстомтызе СССР-нь зерновой ды животноводческой совхозтнэнь Народной Комиссаронь обязанностьнестэ.

СССР-нь зерновой ды животноводческой совхозтнэнь Народной Комиссарокс кемекстась Демченко Николай Нестерович ялгась. Тень кувалт сон менстязь СССР-нь земледелиянь Народной Комиссаронть заместителень обязанностьнестэ.

„Баррикады“ заводонть роботниктнэнь каземадо

СССР-нь Центральной Исполнительной Комитетэсь тейсь путовкс: вооружениянь специальной видсэ Якстере Армиянь оснащениянь коряс правительстванть заданиянзо парсте тонавтоманть кис каземс

„Баррикады“ заводонть робочейть. —Ленинэнь орденсэ—3 ломанть; Красной звездань орденсэ—4 ломанть; Трудовой красной знамянь орденсэ—6 ломанть; Знак почета орденсэ—20 ломанть.

Топодсть 7 иеть Маяковскоень куломадонзо мейле

Апрелень 14-це чистэнь весе минек масторось тешксты Владимир Владимирович Маяковский потэнь куломадонзо мейле 7 иень топодеманть.

Москов ошонь общественной организациятне, фабрикатне, заводтнэ анокстыть литературно-художественной покш чоکشнэть, лекцият, беседат, выставкат Маяковскийде. Маяковскоень эрямонзо ды творчествадонзо покш выставка ули теезь государственной ли-

тературной музейсэнь.

Маяковскоень куломадонзо мейле 7 иень топодема чистэнь 11 чассто Коминтернанть лемсэ радиостанциянь вельде кармить транслировать специальной литературной монтаж. Апрельнь 15-це чистэнь 18 чассто 30 минутасто ВЦСПС-энь радиостанциянь вельде ули ловнозь Н. Асеевонь поэмазо Маяковскийде.

ВЛКСМ-нь КУЙБЫШЕВСКОЙ КРАЙКОМОНЬ III-це ПЛЕНУМОНТЬ 1937 ИЕНЬ МАРТОНЬ 28-це ЧИНЬ ПУТОВКСОЗО

Комсомолонь Куйбышевской краевой организации руководствовано ВЛКСМ-нь ЦК-нь те иень марто 13-це чинь решениянде ВЛКСМ-нь ЦК-нь секретарень **Вершков** ялганть докладонзо кул-сонозъ ды толковазъ, — ВЛКСМ-нь крайкомонь III-це пленумось допрок видекас лови комсомолонь Центральнень Комитетэнь путовксонзо.

Пленумось истя жо допрок видекас лови те иень марто 10-це чистэ „Правданть“ выступлениязо, конасонть л а н г с таргазъ ВЛКСМ-нь крайкомонь руководителенень ендю бюрократизмань, критикань лепштямонь ды комсомолецтнень праваст лепштямонь фактнэ.

Пленумось тешксты, што комсомолонь крайкомонь секретарес **Блюмкин** ялгасъ ды крайкомонь аппаратось сезевств комсомолецтнень эйстэ, комсомолонь первичной ды районной организациятнень эйстэ, роботасонть нолдасъ самоуспокоенность ды, теке мартовейсэ, пек покш ильведькст нолдасъ крайкомонь роботасо.

Крайкомонь бюрось ды **Блюмкин** ялгасъ краенъ комсомолонь организациянть лангсо руководствасонть мезексак эзть лов крайкомонь пленумонть роленэ.

Крайкомонь пленумось эзь пурнавкшно 11 коновъ перть.

Блюмкин ялгасъ нолдасъ командования, кона кандсь зыян комсомолецтнень ды комсомольской активнень политической воспитаниязнъ тевсэнтъ, крайкомонь бюронъ членкс единоличной назначения (**Инберг** ды **Понамарев** ялгатнень). Комсомолонь крайкомонь бюронть коллективной руководствасъ ульнесъ полавтозъ бюрократической ды корс а кирдевица единоначалиясо.

Башка корс а кирдевиакс пленумось лови, што **Инберг** ды **Понамарев** („Волжский комсомолецтнень“ редакторсь) ялгатне крайкомонь бюросо пользоваться решающей вайгелень правасо а пак вант сень лангс, што сынъ эзть ульне кочказъ бюронъ-составс.

Комсомолонь Куйбышевской крайкомонь бюрось ды **Блюмкин** ялгасъ комсомольской активнень отношениянть коряс нолдасъ критикань лепштямо ды администрирования. Сень таркас, штобу покш мельсэ кулсомем эсинзэ роботанзо справедливой критиканть, теемс те критикастонть конкретной выводт, **Блюмкин** ялгасъ ловизе эрвиксэкс стямс аволь видеки лангс. **Дмитриев** ялганть, кона видестэ критиковасъ крайкомонь ильведьксэзэ, снартность каямс комсомолонь крайкомонь аппаратсонть роботасо. Крайкомонь II-це пленумсонть асатыкстнень критиковамонть **Блюмкин** ды **Левиновский** ялгатне ловизэ эрвиксэкс пленумстонть саемс (увести) крайкомонь бюров. Весе те лавшомтсь комсомолонь краевой организациясонть самокритиканть.

Крайкомонть руководствасъ, ВЛКСМ-нь ЦК-нь предупреждениязно ланге а пак вант, эзизе истожа крайкомонь аппаратсонть бюрократизманть. Райкомонь секретарьтнень ды крайкомонь роботиктнень те шкас эщо арась возможность кортнемс комсомолонь крайкомонь секретарьтнень марто.

Комсомольской организациятнень тевсэ лезксэнтъ крайкомонь бюрось полавтсь певтеме общей решениянъ примамосо, конатнень топавтомас эзть проверка, ды крайкомонь аппаратонть роботиктнень

районов гостролерской якамосо.

Пленумось тешксты, што крайкомонь бюрось нолдасъ политической ильведькс, кона ашти сеньсэ, што сон эзизе тарга лангс кувать шкас бюронъ составсонть аштия народонъ врагонть — троцкистэнтъ **Эстровонь**, ды эзизе нее комсомольской руководящей башка роботиктнень сонзэ марто ладявица семейной отношениянень.

Крайкомонть руководствасонзо большевистской остротанъ аразычсь евтасъ сеньсэяк, што крайкомось проглядел краевой (с)организациясонть ды кой-кона первичной организациятнесэ (**Мокшэрзян** организацияс, **Кинельской** районось, **Чапаевское**, **Пензась**, **Куйбышев** ошонъ **Фрунзенской** районось ды **Лият**) троцкистнэсэ ды враждебной лия элементнэсэ сорявоманть.

Комсомолонь краевой комитетэнтъ роботасо пек покш асатыксэкс ашти пропагандистской роботасонть аволь удовлетворительной руководствасъ. В частности, ВКП(б) нь историйнъ тонавтнеманзо коряс кружоктнень од программас ютавтомасъ моли пек сасо ды аволь организованностэ.

Пленумось лови, што крайкомонь, **Мокшэрзян** обкомонь, ошонъ комитеттнень ды райкомтнень секретарьне пропагандистнень а инструкторовитъ ды пропагандистнень кочкамо тевсэнтъ а работать. Пропсеминартнень роботасъ ветяви аволь регулярностэ ды сонзэ эйсэ руководствасъ лавшо, мезень коряс ВКП(б) нгъ историйнзо основной моментнень тонавтнеманть коряс политшколатнесэ ды кружоктнэсэ занятияне ютыть аволь сатышкасто серьезна, содержаниязомо ды кулсоницатнень успеваемостест берянь. Крайкомонь роботиктнэ (**Бутенко**, **Усова**, **Закон** ялгатне) кувать шкас орголестъ пропагандистской роботанъ ветямостонть.

Пленумось тешксты, што комсомолонь краевой комитетэс кадранень кочкамосонть тейс аволь серьезной подход, седедэс роботиктнень шнасъ сынст вадрясто а пак проверка ды а пак тонавтне, мезень коряс кой-кона организациятнень ульнесъ кучозъ а машиникс ломанть. Комсомолонь крайкомось беряньсэ роботасъ комсомольской роботикнень кадранень кастомас тевсэнтъ, эзь мелявто сынст тонавтнемадост ды седе тов сынст кастомадост. Седеяк пек крайкомось эзь яво мель од тейтерь-аватнестэ активнень кастоманень ды воспитанианть.

Комсомолонь краевой комитетэс эзь кунда эщо школасо комсомолонть работадо ВЛКСМ-нь X-це с'ездэнтъ решениянзо серьеознойсэ топавтоманень. Комсомольской организациятне (**Рыбкинань**, **Рузаевкань**, **Голицинское**, **Сызранское**, **Ново-Буанской** районь, **Куйбышев** ошонъ **Пролетарской** районь, **Пенза** ошонъ **Заводской** районь ды **Чапаевск** ошонъ) ютыть неть районтнэсэ зярыя школатнень роботасост покш асатыкстнень (хулиганстванть ды лия противонародной влиянианть) вакска. Аволь удовлетворительнасто аравтозъ школатнесэ СССР-нь Конституциянтъ тонавтнемазо.

Пленумось тешксты крайкомонь бюронть безответственной отношениянзо эсинзэ зярыя решениятнень. Бюронть поручениянзо, конатне макснезельт роботиктнень ды башка организациятнень, эзть топавт, комсомолонь краевой комитетэнтъ бюрось жо мелем а пак яво ютни нень вакска.

ВЛКСМ-нь крайкомонь пленумось теи путовкс:

1. Судямс неть покш ильведькстнень, конанъ нолдызе крайкомонь бюрось ды васень секретаресъ **Блюмкин** ялгасъ. Меремс **Блюмкин** ялганть, што сон ули каязъ робогасто, бути а витьсэ эсинзэ поведениязно.

2. Пленумось лови, што краевой организациянтъ важнейшей задачкас ашти ВКП(б) нь ЦК-нь февральской Пленумонть решениянзо толковамось ды комсомольской организациятнень роботаст неть решениятнень коряс одс строямось.

Пленумось кармавты комсомолонь весе комитеттнень кеместэ ванстомс ленинской комсомолонть уставонзо, решительнасто пресекать сонзэ коламо снартнематнень, целанек ютавтомс тевс внутрисюзной демократиянтъ, комсомольской организациятнесэ критиканть ды самокритиканть келейгавтомань основной условиянтъ. Комсомольской организациятнень эряви пек седе вадрясто организовам Сталинской Конституциянтъ тонавтнемазо од ломаньтнень ды комсомолецтнень ютксом.

Комсомольской организациятнень эряви регулярнасто пурнакшномс рабочей, колхозной, студенческой тонавтница од ломанень промкст, конатнесэ толковамс истят вопрост, конатнень бажить содамс од ломаньтне.

Пленумось кармавты ВЛКСМ-нь райкомтнень ды первичной организациятнень организовам социалистической пелькстамо трактористнэнь, од бригадиртнэнь, видиянъ звеньевоитнень, плугарьтнень ды весе од ломаньтнень сень кис, штобу вадрясто ютавтомс тунда видеманть. Теке марто пленумось кармавты весе райкомтнень ды комсомолонь первичной организациятнень седе курок проверямс видема шкасто колхозниктнень обслуживанианть паксынь стантнень ды тракторной будкатнень анокчист.

Пленумось кармавты краенъ комсомольской организациятнень явомс седе покш мель од ломаньтнень культурно-бытовой обслуживаниянъ вопростнэнь (общектитнэсэ, барактнэсэ, клубтнэсэ, студенческой столовойтнэсэ, подросткатнень трудост ванстомасъ).

Меремс ВЛКСМ-нь крайкомонь бюронть, **Мокшэрзян** обкомонть, комсомолонь ошонъ комитетнэнь ды райкомтнэнь организовам од тейтерь-аванъ промкстнэнь ды конференциятнень решениянъ топавтоманъ проверкамонть ды васняк тонавтнеманъ, руководящей роботаст тейтерьтнень выдвижениянъ ды од тейтерь-аватнень трудост ванстомасо советской законтиэнь тевс ютавтоманъ вопростнэнь коряс.

Пленумось кармавты комсомолонь комитеттнень седе куроксто отвечакиномс комсомолецтнень ды од ломаньтнень сермаст лангс, ванкшномс сынст ды эрва серманть коряс примамс мерат.

3 Меремс крайкомонь бюронть кавто декаданъ шкас толковамс вопросонть постоянной работасто зяря ковс саезъ комсомольской активнень тонавтнемадо.

4. Меремс крайкомонь бюронть ВЛКСМ-нь райкомтнень политтонавтнеманъ отделэнь заведующейтнень марто ютавтомс совещания, истя жо ютавтомс пропагандистнэнь краевой совещания пропагандистской роботанть состояниязонзо вопросонть коряс.

5. Меремс ВЛКСМ-нь крайкомонь бюронть виемтэмс совхозтнэс комсомольской организациятнень марто живой сьемавтоманть ды конкретной руководстванть. ВЛКСМ-нь крайкомсо крестьянской од ломанень отделсэнтъ явомс специальной роботик совхозтнэс комсомольской организациятнень роботаст коряс.

6. Пленумось лови, што „Волжский комсомолец“ комсомольской краевой газетасъ беряньсэ невити комсомолонь краевой организациянтъ эрямонзо. Газетасъ сезевез комсомольской организациятнень эйстэ, а лезды краевой организациянъ руководстванть комсомолецтнэнь ды од ломаньтнень ютксом воспитательной роботанть аравтомасо ды а лезды критиканть ды самокритиканть келейгавтоманть.

Пленумось кармавты крайкомонь бюронть допрок вадрялгавтомс газетанть лангсо эсинзэ руководстванть ды а кемемс краевой организациянъ руководствасонть важнейшей рычагонть ансяк редакционной аппаратонть.

Меремс крайкомонь бюронть кочкамс проверязъ ды квалифицированной роботикнень группа ды кучомс сынст редакциянъ роботамо.

Кармавтомс **Понамарев** ялганть добовамс истямо положений, штобу газетасъ комсомолонь краевой роботанъ простонъ аравтомасонть ды невтемасонть зяняволь смел ды седе принципиальной позиция.

7. Пленумось лови, што **Мокшэрзян** комсомольской организациянтъ руководствасъ, башка ВЛКСМ-нь обкомонь секретаресъ **Иванов** ялгасъ беряньсэ эщо воспитывають ды кастыть коренной национальностэнтъ комсомольской роботикнень кадранень.

Пленумось лови допрок аволь удовлетворительнойкс ВЛКСМ-нь крайкомонть ендю комсомолонь **Мокшэрзян** обкомонть лезксэнтъ ды руководстванть.

Кармавтомс крайкомонь бюронть: а) Маласо шкасто толковамс комсомолонь **Мокшэрзян** активнень тонавтнемадо вопросонть ды максомс эрвикс лезкс обкомонть;

б) **Мокшэрзян** организациянтъ лезксэкс кучомс комсомольской роботикнень группа пропагандистской роботанть аравтомасо обкомонть лезксэнь максоманть туртов;

в) Лездамс обкомонть организовам колхозной первичной организациянъ секретарьтнень вейке коновъ курст.

8. Кармавтомс ВЛКСМ-нь крайкомонь бюронть маласо шкасто национальной районтнэсэ, конатне а совить **Мокшэрзян** республиканть, комсомольской роботанъ вопростнэнь коряс тердемс совещания.

9. Кармавтомс ВЛКСМ-нь крайкомонь бюронть роботамонь онытэнтъ полавтнемазо туртов тердемс пионеротрядонъ вожатойтнень краевой совещания.

10. Каямс **Усова** ялганть бюронъ членэнь ды пионеротделэнь заведующеень обязанностьсэ, прок роботанть марто не справляющейсэ.

11. Каямс **Бутенко** ялганть бюронъ членэнь ды крестьянской од ломанень отделэнь заведующеень обязанностьсэ секс, што эзизе аравт крестьянской од ломанень отделсэнтъ эрвикс роботанть.

12. Каямс комсомолонь крайкомонь бюронъ членэнь обязанность-

ВЛКСМ-нь Куйбышевской крайкомонь III-це пленумонть 1937 иень мартонь 28-це чинь путовксозо (ПЕЗЭ)

стэ Катсон ялганть, кона эзизе чаркодть ВЛКСМ-нь крайкомонь бюронь членэнь ролэнэ.

13 Пленумось лови политическый ильведкскс, кона ветязь критиканть лепштямонть, ВЛКСМ-нь крайкомонь ОРКО-нь заведующе-ень Инберг ялганть поведениязо, кона ашти сеньсэ, што сон, крайкомонь роботасонть асатык-стнэде ВЛКСМ-нь ЦК-нь инструкторонть, Дмитриев ялганть докладной записканть максомадонзо марязь, сень таркас, штобу лездас ВЛКСМ-нь ЦК-нь инструкторонть таргамс лангс асатык-стнэнь, — стязь неть асатыкстнэнь кекшемань ки лангс. Тень коряс ловомс аволь возможнойкс ВЛКСМ-нь крайкомонь аппаратс роботамо Инберг ялганть кадо-манзо.

КОМСОМОЛОНЬ КРАЙКОМОНЬ БЮРОНЬ СОСТАВСО ПОЛАВТОВКСТНЭ

Мартонь 28-це чистэ пекставсь комсомолонь крайкомонь бюрось. ВЛКСМ-нь ЦК-нь секретаренть Вершков ялганть сообщениязо коряс, пренияс 65 сермадстыцтнэнь эйстэ кортасть пленумонь 43 участник.

Пленумось ванкшнось оргвоп-рост. Каязь роботамо ды ливтезь крайкомонь бюронь составсто крестьянской од ломанень отде-лэнь заведующеесь Бутенко ял-гась ды пионеротделэнь заведую-щеесь Усова ялгась сень кис, што сын эзь робота кода эряви ды эзь ветя руководства.

Пленумось отделэнь заведую-щеекс кемекстынзе: комсомольской руководящей отделс заведующеекс Масалкин ялганть, крестьянской од ломанень отделс — Левочкин ялганть, пионерэнь отделс — Митрофанов ялганть, тонавниция од ломанень отделс Терехова ялганть ды робочей од ломанень отделс — Муратов ялганть.

Комсомолонь крайкомонь секретариатось кемекстязь истямо сос-тавсо — Блюмкин, Левиновский ды Левочкин ялгатне.

ЯЛА ТЕКЕ МЕЗЕЯК АРАСЬ

Дубенкасо ули социалистическый культурань пек паро кудо. Тосо давно уш пурнавсь драмкружок. Сонзэ руководителекс кочказь А. С. Щеглов ялгась. Весе яла кевкстнить эйснэ: зардо карматано налксемэ? Щеглов жо весень мелест мольстиль вейке от-ветсэ: арась пьесат. Сон мик аволь ансяк ай-арси тев ушодомс, но мик а снартник чаркодемс, што пьесань муеманть кискак сонэнзэ эряви мелявтомс.

Но вана кармась улеме пьесат-как. Яла теке нейгак кодамоак робота арась. Ды секен вант пурнавозь кружокосьяк калады. А месь тензэ тейнемс.

Н. Мохова.

Москов—рав каналось

Апрелень 10-це чистэнь прядозь уш Москов—Рав каналонть строя-монь весе основной роботатне. Те каналонть эзга Равонть (Волганть) ведезэ карми чудеместолицанть, седе покшолгады Москов-леес, сон ули сюлмавозь Равонть марто. Каналонть кувалмозо карми улеме 128 вайгельпет. Сонзэ эзга могут ютнемс колмо палуба марто волж-ской паротеплоходт ды покш баржат.

Каналось ушодови Равонть вить берекстонзо, сонзэ эйс Дубны леенть прамонзо эйстэ 8 вайгель-пень туро седевере, Кимр ошонть эйстэ аволь пек васоло. Тосо теезь сооружениятнень главной сюлмось: аванпорт, Равганть суднань нолд-немань кис шлюз, истяжо бетон-ной покш плотина, модасто теезь плотина ды вейксэ вайгельпеня туро дамба, кона теевезь волжской ведень ванстомакс, кона ведь нол-ды каналонтень.

Волжской ведень пек покш ванстома таркась видестэ ловови „Московонь иневодекс“. Сонзэ площадезэ—327 квад. вайгельпет, сонзэ эйсэ кирдеви 1.120 миллионт кубической метрат ведь.

Москов—Рав каналонть кувалт теезь ламо шлюзт, конат кармить эривикс таркасо суднатнень кепе-деме ды алов нолдамо. Каналонть теезь 11 плотинат, колмотне желе-зобетоннойт ды кавксотне—мо-дань. Бетонной плотинатне строязь Равсо—Карамышевсэ ды Перерва-со. Сын теезь лейсэнь ведень уровенень кепедеманзо кис сонзэ

эйс каналонть прамо таркадонть седе ало.

Москов—Рав каналось юты ма-сторонть куншкава. Столицанть маласо сон вастневи сообщениань пек важной ки марто. Каналось нилекстэ юты кшнинь кинь трокс, кавксостэ юты шоссень трокс. Вейке таркасо шоссесь ней юты веденть алга тоннельга,

Москов—Рав каналонть весеме-зэ 200 основной сооруженият, ко-натне эйстэ ламотнесынсь аштить сооружениянь самостоятельной ком-плексэкс. Те каналось мирсэньт карми улеме пек покшокс.

Химкинской хранилищанть пеле-чи ено пельксэньзэ теезь москов-ской портонть лей лангонь север-ной гаванесь. Того жо централь-ной пассажирской вокзалось—кав-то этаж марто пек паро здания, кона отделанной гранитсэ, мрамор-со ды диоритсэ.

Ней, каналонть строямонзо основ-ной тевтнень прядомадонть мейле, моли насосной станциятнень опро-бирования, гидростанциятнень мон-тажось, каналонть береконзо тее-мась, кинь строямось, берегтнэ чирева чувтонь путнемась (пижел-гавтомась), штукатурной ды отде-лочной роботатне.

Апрелень 25-це чистэнь васень парохотнэ совить каналонть вол-жской шлюзтнэнь, маень 1-нь чистэнь сыть химкинской водо-хранилищанть, маень 2-це чистэ-нть пришвартуются Московсо, культурань ды оймсемань Горький лемсэ парконть маласо.



СНИМКАСОНТЬ: Куйбышев лемсэ колхозсо (Посоп, Саранскоень р-н) Матве-ев ялгась колхозниктнэнь ловкы Сталин ялганть докладонзо.
Фотось А. ОРЕХОВОНЬ.

Воспитательной робота арась

Апрелень 8-це чистэ ютылинь Повадь велень аволь полной сред-ней школанть вакска. Тонавницият-не лисекшнэсть 20 минутань пе-рерывс. Пачкодинь школанть ма-лав. 5-це ды 7-це класстнэнь зя-рья тонавницият чинь каршо ой-сезельть коськезь мода лангс. Ве-семень кедсь ульнэсть цигаркат, таргильть. Кортнэсть виськс вал-со. Мон натой визделгадын ды арсезевинь, што, бульчом, те шко-ласонть арась воспитательной ко-дамоак робота.

Аламо шкань ютазь мельган чийсь вейке тонавниция—Чичайкин. Сон кевкстимим:

— Дружба, арась таргамот?

Мон мерины, што тон эщо одат, што учениктнэнь ведь а эряви таргамс. Минек, мерян, Кенде ве-

лень школасо кияк а тарги тонав-нициятнэнь эйстэ ды виськс валсо-як а кортыть. Чичайкин кежейстэ варштась монь лангс, сайсь палка ды монь весе вийсэ лоштимим. Совиксэлинь дирекцияв, пеняцимо. Но монь куродымизь весе сетне, конат ульнэсть ушосо ды кар-мась лангозонь мезьсэ понгсь ертнэме.

Мон а содан, ули эли арась По-вадь велень школасонть пионерэнь отряд ды бути ули—месь сон тейни? Содить ли преподаватель-не седе, кода тонавнициятне ютав-нить перерывтнэнь ды школасто туемадо мейле весе шкасткак? Ветить ли сынь культурно-воспи-тательной робота?

89

Максим Никитин.

Дубенкань район.

Политтонавтни- мась аравтозь беряньстэ

Мартонь меельсэ читнэстэ Мокш-эрзянь педучилищасонть ютавтозь комсомолетнэнь панжозь промкс. Теезель доклад ВКП(б)-нь ЦК-нь февральской Пленумонть решения-донзо.

Промксось мольсь колмо чить, покш критика ды самокритика марто. Весе кортыцятне лангс тар-гасть комсомольской организаци-янть практикасонзо покш асатык-тнэнь.

Политкружоконь тонавнициясь Федотов ялгась кортасть, што март коновонть перть сынст кружоксонть арасель вейкеяк занятия. Весе ике-лень занятиятне ютавтозь ловшос-то. Тонавнициятне а ветить кон-спект, кружоконь руководителесь тень а вешияк. Кружоконтень сер-мадозь комсомолетнэ занятиятнес-яксь аволь весе. Бути седетов-гак тевесь карми истя молеме, то кружоконть роботазо секен вант-калады. Комсомолонь комитетэсь содась, што мартковстонть полит-грамотань кружоксонть весе заня-тиятне сезезь, но кодаткак мерат эзь прима, штобу тонавнеманть аравтомс алкукс вадрясто.

Педучилищань комсомолонь ко-митетэсь овси стувтынзе аволь союзной од ломаньтнэнь-студент-нэнь. Сынст ютксо овси арась политтонавтниема, комсомольской кружоктнэс апак тарга аволь союз-ной вейкеяк од ломань.

Меельсэ шкастонть беряньстэ ро-боты партиянь историянзо тонав-немань кружокосьяк. руководи-тельть Симдяшкин ялганть чу-монзо коряс сезезь колмо заня-тият.

Комсомолонь комитетэсь те шкас эзь сода, што организациясонть ульнэсь троцкистской выродка—III-це курсонь студент Сорокин, конась комсомолетнэнь сельмест-икеле ветясь эсинзэ нулгодыкс тевензэ. Ансяк те промксонть Со-рокинэнь тевензэ лангс торгазь ды сон панезь комсомолсто.

Комсомолонь промксось тейсь пу-товкс: тонавнемс ВКП(б)-нь ЦК-нь Пленумонть решениянзо, Пленум-сонть Сталин ды Жданов ялган-нэнь докладост. Комсомолетнэ вешть, штобу седе курук ушо-домс Конституциянт ды Совет-нэнь VIII-це с'ездсэнь Сталин ял-ганть докладонзо тонавнеманть весе студентнэнь ютксо.

Студент.

ЗАНЯТИЯТ ЯЛА А ЭРСИТЬ

Ардатовань педучилищасо ВКП(б)-нь историянт основной моментэнзэ тонавнеманть коряс ульнэсь организовазь комсомоль-ской кружок. Но ней кода уш 3 ковт те кружоксонть а эрсить занятият секс, што арась пропа-гандист. Тонавнициятне сакшныть эрва занятиятнэнь, но пропаган-дистэсь а сакшны.

Истя жо ашти тевесь начальной политшколасонтькак.

Весе неть асатыкстнэде комсо-молетнэ ламоксть кортнэсть ком-сомолонь комитетэнь секретаренть Клемкин ялганть марто, но сэн те шкас яла мезеяк эзь тее сень туртов, штобу организовамс комсомоль-ской политкружоктнэс занятият-нэнь.

Ней минь энялдано комсомо-лонь Ардатовань райкомонтень ды сонзэ секретарентень Левин-ялганть седе, штобу лездавольть миненек политической тонавтни-манть коряс.

А. Панчайкин.

Клубонть ансяк лемезэ

Кочкуровань район. Качалай велесэ ули клуб, кона зярдояк а эрси панжозь. Кодамоак робота тосо арасельгак ды арась. Книгат, газетат тосто тол валдо мартояк а муят. Шашкат, шахмат, доминот эсть ульнекшнеяк.

Художественной самодетель-постень выступлений а эрсит. Комсомолонь организациянь мельс клубось, бульчом, а ледник. Клубонть заведующеесь пряк а невини, а месь уш кортамскак культурно-массовой, воспитательной роботадо. Те важной тевенть Качалай велесэ стувтызь.

Ивлиев.

Мезть эно сынь тейнить

Дубенкань р-н. Кабай велень средней школань 9-це классонь тонавтиця Седойкин Данил 1936 иень декабрь ковсто ВЛКСМ-нь членкс примамодо макснесь яволявкс. Ней вана ютасть уш нилековт, но сонзэ яволявксозо те шкас атак ванкшно.

Седойкин Данил тень коряс ламоксть эялдсь комсомолонь комитетень секретарентень Константинов ялгантень, но сон Седойкин Данилнень евтни эрвья кодат тувталт а юткодо ды лият. Мезть эно комитетэ тейни, мекс тензэ а ютко сестэ, зярд нилеков уш а ютавтиць комсомольской промкст ды а ванкшныть од ломаньтнень яволявксост.

И. Ярославкин.

Мекс арась планер?

Ардатовасо 1936 иень октябрь ковстонть организовазь планерной курст, косо тонавтиць 20 од ломаньт ды комсомолецт. Весе сынь лек бажить содамс планерэнь, тонадомс эйсэнзэ ливтнеме, мейле жо—аэроплановь ветямо.

Берянь ансяк се, што планерэнь тосо тонавтиць планеристэме. Васень шкастонть ульнесь кой-кодамо, сеяк допрок тапавсь-колаесь. Эривить ютавомс практикат, но кода кармить ютавтнамаст—кияк теде а мелявты. Январень 20-це чистэнь курстнэзэ ульнесь осоавиахимень республиканской советэнь представитель. Сонгак соды ды мик сонсь мерсь, што икелень планерэсь практикань ютавомс а маштови. Соды теде ОСО-нь районной советэськак. Ансяк мекс эно те шкас арась планер? Маень 1-нь чинть самс, жо курстнэ эривить прыдомс, но планертэме мезеяк тень эйстэ а лиси.

П. З.

Ардатовань район.

Комсомолецтнэ анокстыть Маень 1-нь чинтень

Саранскоень район. Степан Разин лемсэ колхозонь комсомольской организациясь парсте аноксты Маень 1-нь чинтень. Карми улеме ютавтозь вечер, невтезь пьеса, зярыя комсомолецт ловныть стихть, морыть морот. Маень 1-нь чиденть, доклад теи колхозонь председателесь Белокозов ялгась.

В.

Республиканской войскактнень наступленияст


Республиканской од армиянь героической боецтнэ успешнойстэ ветить эсист наступленияст испанской мятежиктнэнь ды итало-германской интервентнэнь вейсэнсь виест каршо.

Виев бойть молит центральн (мадридской) фронтсонть. Апрельень 11-це чистэнь республиканской войскактнэ сезизь-тапизь се седэнь, конань теекшнызь мятежиктнэ Мансанарес леэньт трокс. Те седэсь ульнесь вейкине средствакс, конань вельде эсь ютковаст сюлмавозельт Каса де Кампо парксонть ды университетской ошкесэнь аштиця мятежной войскактнэ. Мадридской фронтсонть лезэвтеме зярыя контратакатнеде мейле мятежиктнэ апрельень 11-це чистэнь чоп бомбардироваст испанской столицанть центрэнзо. Бомбардировканть жертвакс ульсь беззащитной населениась.

Пелеве ено фронтсонть республиканской войскактнэ лоткавтызь мятежиктнэнь наступленияст Кильба ошонть эйстэ седе пеле чи марто чи лисема ено. Республика-

нецтнэ ушодсть контратака ды занясть пандотнесэ зярыя укрепленияст. Мятежиктнэнь авиациясь снартнесь бомбардировамс Бильбао ошонть, но эсь кенере ертомо бомбат—оргедсь, панизь правительственной истребительтне. Мятежиктнэ снартнесь атаковамс Астурийской горняктнэнь позицияст Овьедо ошонть эйстэ седе пелеве марто чи валгома ено, но сынь вассть республиканецтнэнь пельде виев сопротивления, секс мекев потасть таго тов, косо ульнесь икеле ды кадсть ламо оружият, истя жо боеприпаст.

Пеле чи ено фронтсонть республиканецтнэ ветить Пеньероло ды Фуэнте Овехуна оштинэнь лангс наступленияст. Мятежиктнэнь виев сопротивленияст лангс апаковано, республиканецтнэ аштитиць оштинэнь эйстэ а васоло—2—3 вайгельпеть. Республиканецтнэ сайсть пленс мятежиктнэнь пельде зярыя солдатт, сынь евтиць, што фашистнэнь юткс меельсь шкастонть кордовской фронтсонть поладовсть итальянской частть.



СНИМКАСОНТЬ: Английской военной кораблятне Гибралтарской гаваньсэ. Фотось (Союзфотонь)

Бондаревнэнь савсь видькстамс

Апрельень 5-це чистэнь сядодо ламо комсомолецт, од ломаньт пурнавкшнось Ардатово ошонь физкультурной активень промксс. Районной физкультурнэнь ды спортонь комитетэнь уполномоченоньт беспечностедензэ, мекскак а тейнемадонзо „доклад“ тейсь Бондарев. Сон снартнесь кой-мезе невтемс, што келя минь роботынек. Но алкукс чись лепштысь сонзэ лангс. Куш стака ульнесь, яла теке Бондаревнэнь савсь витькстамс, што весе се шканть перть, кода сон роботы физкультурнэнь районной советэньт, кияк эзь получа ГТО-нь значок. Тельня кодамоак робота арасель, ГТО-нь ды оборонной лия значок лангс нормань максома овси эзь ульне.

Бондарев снартнесь невтемс покш успехекс сень, што маень 1-нь чинть самс 100 од ломаньт максыть ГТО-нь значок лангс нормат. Но те ансяк чаво валт. Меремазь аламо, эриви тев, те жо арась. физкультурнэнь ды спортонь комитетэнь уполномоченноесь те шкас а ветитунда ды кизна физкультурной роботань ютавтомантень анокстамо. Эзь ульнеяк мик роботамонь плангак.

Прениясо кортасть 12 ломаньт, весе сынь конкретной примерсэ невтсть физкультурнэнь ды спортонь комитетэнь уполномоченоньт берянь роботанзо, од ломаньтнэнь эйстэ сезевеманзо.

Зотов.

А топавтыть комсомольской поручениятнень

Кочкурова. Эшо 1937 иень январьстэ МТС-нь комсомольской организациясь эсинзэ промкссо комсомолецтнэнь макстнесь поручениятнэнь—организовамс МОПР-нь организация, Едуковнэнь—парсте ладямс оборонной роботанть, Тюковнэнь—теемс драматической кружок ды лият.

Се шкастонть ютасть уш 3 ковт, но комсомолецтнэ сынест максозь поручениятнень топавтомо эсть кармсеяк.

Глазунов комсоргось поручениятнэнь топавтоманть коряс комсомолецтнэнь роботаст а проврякшны.

Комсомолец.

Мезе моли Бобинэнь сельмензэ икеле

Хлыстовка велень од ломаньтне бажить тонавтнемс военной тевенть. Бажить тонадомс парсте леднеме, винтовканть, противогазонть содамо. Умок-умок организовазель—осоавиахимень организацияк, но сон каладсь, эзь робота ды а роботыяк. Рамазельт 4 противогазт, кавто винтовкат. Сынь аштекшнить ловнома кудосо, козонь секе тев совсить эйкакшт ды кольнить эйсэст. Противогазтнэнь весе сезизь, винтовкатнэньгак колсизь. Ловнома кудонь заведующеесь Бобин мезеяк эзь тее сень кис, штобу парсте ванстомс противогазтнэнь ды винтовкатнэнь. Сон нейсь, „содась кода эйкакштнэ кольнекшнесть ды меельсь пелев теизь а маштовиксэкс противогазтнэнь ды винтовкатнэнь, но весе тень лангс вансь паро мельсэ, сон, бульчом, тень самай ловсь военной тевенть тонавтнемакс.

Чамзинкань район.

Од бюрократ хулиган

Сабаевань велень советэнь секретарекс роботы комсомолецт Бигачев Макар. Сень таркас, штобу путомс пе вельсоветэнь робота-сонзо волокитантень, бюрократизмантень, парсте аравтомс тевтнень. Бигачев сонсь теевсь васеньце бюрократокс ды мик хулиганокс. Кие бу аволь моле вельсоветэв мезеньгак тевень коряс, тосо тензэ мезеяк паро а евтыть, а лездыть тензэ. Вельсоветэньт арась трудиятнэньт паро отношения, сынст кис мелявтома.

Бути а кармат Бигачевнэнь энялдомо, а сюконят пыльгезэнзэ—сон марто кортамсяк а карми. Тевень коряс сакшныця ломаньтнэнь лангс ваны коня алга, эриватанть покордасы а мезень кис ды пижакады: лить тестэ!

Те эшо аламо. Мартонь 12-це чистэньт тосо ульнесь мик истямо мерзкой тев. Вейке тевень коряс молись вельсоветэв Бабина колхозницасы. Бигачев пижнесь-пижнесь лангсозонзо, сельмезэнзэ-ертсь известка коморо—ды тулкадэзь панизе колхозницанть, мезеяк тензэ эзь епта се тевденть, конань коряс сон сакшнесь.

Вельсоветэнь председателесь Николаев соды те бюрократонть-хулиганонть тевдензэ ды те шкас яла кирди эйсэнзэ вельсоветэнь аппаратсо.

Колхозникт.

Апак печата заметканок коряс

Дунаев панезь партиясто

Юнкоронь заметкасонть сермадозель, што Од-Тягловкань кооператорось Дунаев Макар Иванович сень таркас, штобу парсте аравтомс кооперациянь роботанзо—сеедьстэ симнесь винадо, салась кооперациясто ули-паронть.

ВКП(б)-нь Кочкуровань райкомось пачтысь тенек, што таркасо заметканть проверямодонть мейле—заметкасонть весе фактнэ кемекставсть. Ревизиясь кооперациястонть мусь 2000 целковойт растрата.

Весе тень кис Дунаев панезь партиясто ды судязь 3 иес тюрьмас.

Отв. редакторось М. ЛЮПАЕВ